

EL ME PAËS

=====

Margolino

OTTOBRE 1928 =

M A S L I A N I C :

L'é la mia patria balia
e da tutt; mé fradei;
l'é ol prim paês d'Italia
a vegnì dal Pizzaméi.

Ghe disan ol paês di asan;
mi ve domandi ol perché...
una de già che tutt a tasan
l'é segn che on quai vun al gh'é.

Voeuri soddisfà incoeu
un'idea, già pensada,
cioé portàm in sul poggioeu
che'l guarda in su la strada
e coi mé duu oeucc istess,
in lung e in larg rimirà'l paês,
insci, come'l se troeuva adess
e peu scriv giò, ma senza pretés,
per una mia soddisfazion
tutt e quant i mé impression.

Punti prima sul Mont de Brunaa
che'l fa da sfond a la vallada
e che incoeu el pâr chi tacaa
a on tir d'ona scioppetada.

E peu giri scià sul Mont de Piazza
fin dua gh'é lo Sorgent del Cös
(compermess che an bevi ona tazza!)
peu veghi a Cozzena, a S. Ambrös.

Me contava el pover missee
(parli ammò de tanti an indree)
cheél noster paés, bell e brutt
in sti dò frazion l'era lì tutt/

La Gésa ne fa testimonianza
infatti l'é troppa la lontanaza
col paés, ma quant la portayan abbass
anca mi andarò a confessass.

Se dovaria nominà Cozzena
Capitale de la vallada
che d'antichitaa in cancrena
ghe n'é ona sterminada;

E la frazion de Campagnaga
per la sua bella posizion
che la domina tutt la plaga,
sia la Regina de tutt i nost frazion,

Ol mé sguard mò l'é ai "Scalett"

Quatter cà alla paisana

che fan fiera sentinella

Al Confin che l'é " Rongiana "

E mò vedi sù " Casaric "

tutt de front, senz fianc,

dove propi g'havuu i natali

la nota stirpe di Cobianc.

Ol me sguard al sa estend

E mò al gira sùra Vacall

vedi l'effett del Soo che'l splend

e che inonda tutt la Vall.

Adess ma basta un'oggiada sola

per vedé tutt el mé paés

dalla scima dal Mont fin alla Fola

par travers e par distes.

In frazion e frazionett

Spantegaa ~~En~~ pöö dappartutt

E me par che come effett

L'é pussee bell di pussee brutt!

Se osservi el panorama

dal Pizzamei fina ⁶⁷ Mornell

El me coeur sincer l'esclama:

" Car paes, te set propi bell!

Bisogna di che la nosta gent,
se nò l'è tutta ona bellezza,
la fìgura discretament
con la noeuv giovinezza.

*Se de difett l'è minga senza
L'è pur'anca de cœur bon:*

*Per on bisogn la vò in cardenza
E la fa part del sò boccon.*

VIA

*Per ol paes, per ona festa,
Semper con slancio la se presta,*

Caminon e ciminier
disan ben a chi i a veda
la grand'industria di Carter
e l'industria della Seda

E adess védom a Maslianic
Sviluppà i Officin Meccanic
Con la Fonderia lì visin
Di Carcan Giromin !